



CYD-BWYLLGOR CORFFOREDIG Y CANOLBARTH

12 Hydref 2023

ADRODDIAD Y PRIF SWYDDOG GWEITHREDOL

Teitl yr Adroddiad – Cyd-bwyllgor Corfforedig – Cynllun Corfforedig Drafft 2023-2028

| | |
|---|---|
| Diben yr Adroddiad | Cynnig Strategaeth Gorfforaethol ddrafft ar gyfer y Cyd-bwyllgor Corfforedig a fydd yn amodol ar ymgynghori helaeth ac ar ôl hynny bydd unrhyw ddiwygio yn cael ei ystyried ar gyfer cymeradwyaeth derfynol yn gynnar yn y Flwyddyn Newydd. |
| Penderfyniad a Geisir: Cymeradwyo Cynllun Corfforedig drafft er mwyn cynnal ymarfer ymgynghori. | |
| Awdur yr Adroddiad | Eifion Evans – Prif Swyddog Gweithredol CCC |
| Swyddog Cyllid | Duncan Hall – Swyddog Adran 151 |
| Swyddog Cyfreithiol | Clive Pinney – Swyddog Monitro |

Cefndir

Cafodd Cyd-bwyllgor Corfforedig y Canolbarth ei sefydlu ym mis Ionawr 2022, ac mae gwaith wedi cymryd lle i roi cyfansoddiad i'r sefydliad a sefydlu is-bwyllgorau, ynghyd â phrosesau a gweithdrefnau i alluogi'r Pwyllgor i weithredu'n effeithiol.

I arddangos bwriad y Pwyllgorau ar gyfer y blynyddoedd sy'n dod, argymhellodd Llywodraeth Cymru fod pob CC yn cynhyrchu Cynllun Corfforedig. Cyhoeddodd CC De-orllewin Cymru gynllun Corfforedig drafft yn gynt eleni, gydag ymarfer ymgynghori i ddilyn a arweiniodd at adolygiadau a chynllun terfynol a gyhoeddwyd yn ddiweddar.

Cafodd Cynllun Corfforedig drafft ei gynhyrchu bellach ar gyfer ystyriaeth gan Gyd-bwyllgor Corfforedig y Canolbarth, ac ar ôl i unrhyw newidiadau gael eu mewnbllannu, bydd yn amodol ar ymgynghori eang. Cynigir fod dogfen ddrafft derfynol yn cael ei chyflwyno'n ôl i gyfarfod o'r Pwyllgor yn y Flwyddyn Newydd.

Wrth ystyried natur flaengar y CCC mae'n anochel y bydd y cynllun yn esblygu dros amser ac y bydd cyfleoedd rheolaidd am ddiwygiadau a diweddariadau.

Cynnwys

Cafodd y Cynllun Corfforedig Drafft ei gynhyrchu mewn modd sy'n cydymffurfio â Pholisi a Chyfarwyddyd Llywodraeth Cymru, yn benodol am ei fod yn berthnasol i nifer o strategaethau allweddol LIC sef; Deddf Llesiant a Chenedlaethau'r Dyfodol (Cymru), Strategaeth Trafnidiaeth Cymru 2021, Cymru'r Dyfodol – y cynllun cenedlaethol 2040; a Deddf yr Amgylchedd 2016.

Cafodd datganiad o Weledigaeth ei gynnwys i ddarparu datganiad o fwriad cyffredinol ar gyfer y 5 mlynedd nesaf. Er y bydd gwaith yn estyn dros gyfnod llawer hirach, bydd yn anochel fod adolygu ac ailwampio parhaus yn gofyn am ailymweld â'r cynllun Corfforedig yn rheolaidd fel ei fod yn parhau'n berthnasol ac yn gyfredol.

Mae'r ddogfen yn gosod cefndir meysydd Economi, Trafnidiaeth a Chynllunio. Cafodd y ffordd ymlaen ei disgrifio ar ffurf cynlluniau gweithredu strategol ar gyfer y tri maes pynciol.

Caiff Datganiad a Nodau Llesiant y Cyd-bwyllgor Corfforedig eu gosod allan yn y ddogfen. Ceir gofyniad clir fod cynlluniau'r Cyd-bwyllgor Corfforedig yn alinio â Pholisi a Chanllawiau Llywodraeth Cymru, a chafodd ymdrech ei wneud i sicrhau fod cydymffurfio â Pholisiau LIC a nodwyd yn flaenorol. Mae hyn hefyd yn wir oddi fewn i feysydd cydraddoldeb, cynaliadwyedd a llywodraethiant.

Yn achos cydraddoldebau, ymgwymerwyd ag Asesiad Effaith gan ddefnyddio proses a thempled Cyngor Sir Powys.

Mae'r ddogfen hefyd yn gosod allan trefniadau llywodraethiant ar gyfer y Cyd-bwyllgor Corfforedig ynghyd â sut fydd gwaith y Pwyllgor yn cael ei fonitro a'i graffu.

Bydd ymarferiad ymgynghori yn dechrau ar unwaith ar ôl i'r Cyd-bwyllgor gymeradwyo'r drafft terfynol ac fe gaiff ei gwblhau ar ddiwedd mis Tachwedd, ac ar ôl hynny caiff y diwygiadau priodol eu gwneud yn barod i'w hystyried gan y Pwyllgor yn y Flwyddyn Newydd.

Effeithiau Ariannol

Fe fydd costau'n gysylltiedig â chynhyrchu'r ddogfen hon yn ogystal ag â'r ymarfer ymgynghori sydd wedi ei adeiladu i'r gyllideb flynyddol. Caiff y costau hyn eu dyblygu yn adolygiadau'r dyfodol gyda'r disgwyliad y bydd diwygiadau a newidiadau pellach yn bosibl ar leiafswm o gost. Ar ôl i'r ddogfen derfynol gael ei chymeradwyo bydd y ddogfen ar gael ar-lein a fydd yn ei dro yn isafu'r costau cyflwyno a chyhoeddi cyfredol.

Asesiad Effaith Integredig

Ymgwymerwyd ag Asesiad Effaith drafft gan ddefnyddio proses a thempled Powys a fydd yn amodol ar ymgynghoriaeth ochr yn ochr â'r Cynllun Corfforedig drafft. Cafodd Asesiad Effaith Powys ei ddatblygu gan sicrhau cydymffurfiaeth lawn â pholisi a chyfarwyddyd Llywodraeth Cymru. Bydd unrhyw sylwadau a dderbyniwyd mewn perthynas â'r Asesiad Effaith yn cael eu cyflwyno'n ôl i'r pwyllgor eu hystyried.

Effeithiau'r Gweithlu

Ymgwymerir â'r gwaith sy'n gysylltiedig â gweithredu Cynllun Corfforedig y dyfodol oddi fewn i'r capasiti adnoddau sydd eisoes mewn lle. Mae'r is-bwyllgorau sy'n gyfrifol am symud y cynlluniau gweithredu ymlaen a ddynodwyd yn yr adroddiad, wedi cael cymorth gweinyddol a rheoli priodol wedi eu gosod yn eu lle.

Effeithiau Rheoli Risg

Er nad oes yna unrhyw ofyniad cyfreithiol i gynhyrchu Cynllun Corfforedig ar gyfer y Cyd-bwyllgor Corfforedig, y mae'n ddisgwyliad gan Lywodraeth Cymru er mwyn arddangos ymrwymiad a chynnydd yn erbyn gofyniad cyfreithiol ar gyfer Cyd-bwyllgorau Corfforedig rhanbarthol. Mewn adroddiad diweddar gan y Comisiwn Archwilio yng Nghymru, dynodwyd ymrwymiad a oedd yn amrywio ledled Cymru, o ran awdurdodau lleol, tuag at ddatblygu cynlluniau gwaith y Cyd-bwyllgorau. Bydd cynhyrchu Cynllun Corfforedig yn sicrhau fod y rhanbarth yn gallu arddangos cynnydd ac ymrwymiad priodol.

Ymgynghoriad

Fel ag y nodwyd yng nghorff yr adroddiad hwn bydd y Cynllun Corfforedig drafft yn amodol ar ymgynghoriad cyhoeddus a fyddai'n cynnwys cyrff swyddogol priodol fel Llywodraeth Cymru. Bydd canlyniadau'r ymarfer ymgynghori yn cael eu dwyn yn ôl o flaen y pwyllgor i'w hystyried gan gyuno ar unrhyw newidiadau i'w mabwysiadu fel bod y cynllun terfynol yn gallu cael ei fabwysiadu yn y Flwyddyn Newydd.

Rhesymau dros y penderfyniad arfaethedig

Er mwyn galluogi i'r Cynllun Corfforedig drafft gael ei gyflwyno am ymgynghoriad, ac yn amodol ar ymatebion a dderbyniwyd, bydded i'r weithred o fabwysiadu'r Cynllun fynd rhagddo yn y Flwyddyn Newydd.

Gweithredu'r Penderfyniad

Caiff y penderfyniad hwn ei gynnig ar gyfer cael ei weithredu ar unwaith.

Atodiadau

Cyd-bwyllgor Corfforedig – Cynllun Corfforaethol Drafft – 2023-2028



CJC%20-%20Corpor
ate%20Plan%20-%20

Asesiad Effaith Cynllun Corfforaethol Drafft